

Euskal AEn %6,4 gutxitu ziren jaiotzak 2017an


30 urte baino gutxiagorekin emakume atzerritarren %40,7 izan da ama; espainiarren %13

2017an Euskal AEn 17.076 haur jaio ziren, aurreko urtean baino %6,4 gutxiago, Eustaten arabera. Ama espainiarren artean %7,5ekoa izan zen jaitsiera; atzerritarren artean, %2,4koa.

Gipuzkoan 5.593 haur jaio ziren (-%7, jaitsierarik handiena), Bizkaian 8.522 (-%6,9) eta Araban 2.961 (-%3,7).

Mila biztanleko 7,8 jaiotzakoa izan zen jaiotza-tasa, Espainiakoaren azpitik, non izan zen 8,4koa, behin-behineko datuen arabera. Zifrarik handiena Araban da, %9,1; Gipuzkoan, %7,8; Bizkaian, %7,5.

1. grafikoa: Bizirik jaioak, amaren bizileku lurralde historikoaren arabera. 1975-2017



Iturria: Eustat. Jaiotzen estatistika

Jaiotzen %80,8tan amek 30 urte edo gehiago zuten

Talderik ugariena 30 eta 34 urte bitarteko emakumeena da, jaiotza guztien %36, 2016. urtearen aldean ehuneko zazpi hamarren txikiagoa. Ondoren, 35-39 urte bitarteko amena (%34,7, bi hamarren gutxiago) eta 40 urte eta gehiagokoena, zeinek segitzen baitu gero eta handiagoa izaten (%10,1, ehuneko sei hamarren gehiago aurreko urtean baino). 25-29 urte bitarteko amen jaioberriak %13,5 izan dira, bi hamarren gehiago; 20-24 bitartekoenak, %4,5, hamarren bat gehiago. Ama nerabeak orotarakoaren %1,2 izan dira, aurreko urteko zifra bera.

1.taula: Bizirik jaioak, amaren bizileku lurralde historikoaren arabera. 2017

	Euskal AE	Araba/Álava	Bizkaia	Gipuzkoa
Guztira	17.076	2.961	8.522	5.593
Sexua				
Gizonezkoak	8.826	1.498	4.420	2.908
Emakumezkoak	8.250	1.463	4.102	2.685
Jaiotza-hurrenkera				
Lehenengoa	8.609	1.428	4.498	2.683
Bigarrena	6.628	1.129	3.264	2.235
Hirugarrena edo gehiago	1.839	404	760	675
Amaren adin betearen arabera				
<= 19 urte	203	45	105	53
20 - 24 urte	763	168	378	217
25 - 29 urte	2.306	427	1.091	788
30 - 34 urte	6.152	1.041	2.986	2.125
35 - 39 urte	5.921	988	3.040	1.893
>= 40 urte	1.731	292	922	517
Amaren egoera zibilaren arabera				
Ezkondua	9.584	1.655	4.653	3.276
Ezkongabea	7.492	1.306	3.869	2.317
Amaren nazionalitatea				
Espainiarra	13.266	2.079	6.809	4.378
Atzeritarra	3.810	882	1.713	1.215

Iturria: Eustat. Jaiotzen estatistika

Segitzen du gero eta handiagoa izaten ama atzeritarren portzentajeak, %22,3

Amen nazionalitatea kontuan harturik, %22,3 atzeritarrak ziren, eta 3.810 haur ekarri zituzten. 2016an %21,4 ziren ama atzeritarrak. Nazionalitate hauetakoak ziren batez ere amak: 735 ama, Marokokoak; 347, Errumaniakoak; 247, Kolonbiakoak; 210, Boliviakoak; 194, Nigeriakoak; 181, Paraguaikoak; 164, Nikaraguakoak; 123, Ekuadorkoak; 119, Aljeriakoak; 116, Brasilgoak.

Emakume atzerritarrek urte gutxiagoekin amatzen dira, Euskal AEn bizi diren espainiarrak baino. 30 urte baino gutxiagorekin atzerritarren %40,7 izan da ama; espainiarren %13.

Amen batez besteko adina 33,5 urtekoa izan zen. Espainiarren artean, 34,3 urtekoa; atzerritarren artean, 30,8koa.

2017ko ama lehen erdituen batez besteko adina 32,6 urtekoa izan zen.

Ezkontzaz kanpoko jaiotzak gero eta gehiago dira

2017an ezkontzatik kanpoko jaiotzak 7.492 izan ziren, 2016an baino %4,7 gutxiago. Jaiotza horiek guztien %43,9 dira, eta 2016an %43,1 ziren. Bizkaiko eta Arabako ehunekoak Euskal AEko batez bestekoaren gainetik daude, %45,4 eta %44,1 hurrenez hurren. Gipuzkoan, aldiz, %41,4. Duela hamar urte, 2007an, ezkontzaz kanpoko jaiotzen ehunekoa %27koa zen.

Jaiotza-hurrenkeraren arabera, 2017ko 8.609 lehen jaiotzak guztien %50,4 izan ziren; bigarrenak, %38,8; hirugarren eta ondorengoak %10,8.

2017an bizirik jaioen arteko erlazioa, hauxe izan zen: 100 neskatoko 107 mutiko. Mutikoen batez besteko pisua 3.307 gramokoa izan zen; neskatoena, 3.211koa.

Erditzeak 16.767 izan ziren: horietatik 16.389, bakunak; 374, bikoitzak; 4, hirukoitzak. Garaiz aurrekoak 935 erditze izan ziren (%5,6).

Informazio gehiagorako:

Eustat - Euskal Estatistika Erakundea / Instituto Vasco de Estadística

Donostia-San Sebastián, 1 01010 Vitoria-Gasteiz

Prensa-zerbitzua: servicioprensa@eustat.eus Tlf: 945 01 75 62